



Komisija za odnose sa mjesnim zajednicama i javna priznanja

**JAVNI POZIV
O USLOVIMA I NAČINU KANDIDOVANJA ZA DODJELU
JAVNIH PRIZNANJA OPĆINE NOVO SARAJEVO U 2012. GODINI**

Povodom 16. maja – Dana Općine Novo Sarajevo, u toku su aktivnosti na pripremi za dodjelu **Zlatne i Srebrene plakete Općine Novo Sarajevo u 2012. godini**, kao znak priznanja Općine Novo Sarajevo za rezultate postignute u svim oblastima privrednih i društvenih djelatnosti u **2011. godini**.

Javna priznanja se dodjelju građanima, kolektivima, organima vlasti, političkim organizacijama, udruženjima građana i drugim institucijama sa područja općine Novo Sarajevo za zasluge na području društvene, privredne, kulturne, sportske i druge aktivnosti od značaja za Općinu.

Javna priznanja se mogu dodijeliti i onima koji nemaju prebivalište–boravište na području općine Novo Sarajevo, ako se njihova ostvarenja odnose na općinu Novo Sarajevo, a u skladu sa kriterijima i mjerilima koji se utvrđuju Pravilnikom.

Priznanje se ne može dodijeliti organima uprave svih nivoa vlasti u BiH, izabranim funkcionerima, poslanicima i vijećnicima svih nivoa vlasti u BiH za vrijeme njihovog trajanja mandata, kao ni zaposlenim u organima uprave svih nivoa vlasti u BiH za ostvarenja koja se odnose na djelovanje u okviru djelokruga posla koji vrši u organu uprave.

a) Kolektivima koji su:

- Ostvarili značajne rezultate u poslovanju u odnosu na prethodnu godinu,
- Investirali u proizvodnju, proširili kapacitet i uposlili veći broj radnika u odnosu na prethodnu godinu,
- postigli značajne rezultate u oblasti privrede, nauke, kulture, sporta, obrazovanja, zdravstva, socijalne zaštite, javnog reda i sigurnosti, razvoju komunalne infrastrukture, zaštite radne i prirodne sredine, razvoju amaterizma i sličnih oblasti koje je imalo odraza na razvoj društvene zajednice,
- dali izuzetan doprinos u otklanjanju elementarnih i ekoloških nepogoda koje eventualno zadese društvenu zajednicu.

Za postignute izuzetne rezultate u oblasti komunalne infrastrukture posebno će se uzeti u obzir ocjene date u mjesnoj zajednici.

b) Pojedincima koji su:

- Svojim radom i zalaganjem postigli značajne rezultate i na takav način doprinjeli unapređenju rada kolektiva i društvene zajednice,
- svojim radom u oblasti privrede, nauke, kulture i obrazovanja doprinjeli afirmaciji općine Novo Sarajevo,
- svojim radom i zalaganjem doprinjeli razvoju lokalne samouprave i poboljšali uslove života u svojoj zajednici,
- za inovacije ili postignut izuzetan kreativan rad dobili međunarodna priznanja,
- učestvovali u spašavanju života, zdravlja i materijalnih dobara od elementarnih i ekoloških nepogoda i drugih nesreća.

Pravo predlaganja kandidata imaju:

Privredna društva, mjesne zajednice, udruženja građana i druge institucije na području društvene, privredne, sportske i druge aktivnosti od značaja za općinu, s tim da nemaju pravo isticanja sopstvene kandidature za priznanje, kao ni kandidature osoba koji su članovi tog subjekta ili obavljaju djelatnost tog subjekta.

Pravo za predlaganje kandidata za priznanje ima i načelnika/ca.

Rok za podnošenje prijave Komisiji je 01. april tekuće godine.

Obrazloženi pismeni prijedlozi se dostavljaju Komisiji za odnose sa mjesnim zajednicama i javna priznanja Općinskog vijeća Novo Sarajevo, a sadrže slijedeće:

- Ime, prezime i adresu kandidata, odnosno naziv privrednog društva, ustanove, institucije, udruženja građana, mjesne zajednice ili drugih subjekata,
- vrstu priznanja za koje se kandidat predlaže,
- obrazloženje prijedloga u obimu primjerenom priznanju za koje se predlaže, te iscrpno obrazloženje zasluga zbog kojih se predlaže za dodjelu priznanja,
- raspoloživu dokumentaciju kojom se potvrđuju navodi iz obrazloženja (kopija) rješenja o registraciji, radni odnos, djelo i eventualne zasluge za koje se kandidat predlaže, kao i dosadašnja priznanja, nagrade i odlikovanja,
- skraćeni izvod iz zapisnika sa sjednice na kojoj je usvojen prijedlog.

Neblagovremeni prijedlozi, kao i prijedlozi sa nepotpunim obrazloženjem, neće se uzeti u razmatranje.

Svi zainteresovani da upute svoje prijedloge neposredno na protokol, ili putem pošte na adresu: Komisija za odnose sa mjesnim zajednicama i javna priznanja Općinskog vijeća Novo Sarajevo, Ulica Zmaja od Bosne broj 55.

Za sve informacije javite se na telefon: **033/492 – 284 ili 033/492-268.**

Komisija za odnose sa mjesnim zajednicama i javna priznanja